

第十册

河水五 同治元年 至光緒三年

再續行水金鑑



丹德署簽

481.028
1377
10

再續行水金鑑卷第九十六

河水編年四十三

清穆宗同治元年正月十一日黃贊湯奏報黃河凌汛安瀾並嚴催趕辦歲料情形（前略）至各廳額辦

料爲桃伏秋三汛修守要需向於歲前採辦近年因料價未能早籌遲至春夏之間始行堆齊而年內總須先購數成方不致趕辦不及所有壬戌年歲料價銀早經奏准而司庫迄今絲毫未撥道廳無力籌墊以致尙未設廠收購臣雖經屢次面催撫臣並藩司籌撥料價總以軍餉緊急推托殊不知賊患與河患相等必須隨時兼顧蓋賊捻竄擾豫疆可以人力相擊尙有勦退之時若河工無料無錢憑何修守去秋捻擾上中下三廳幾乎失事亦由司庫不肯預撥錢糧購料未能先事搶辦所致此臣晝夜焦灼寢饋難安舊疾時常發動也現在惟有再行諄商新任撫臣鄭元善飭令藩司趕將壬戌年歲料例幫價銀分別籌發一俟料價撥到由道轉發各廳嚴飭分投星夜採購

黃湯暨東河奏稿

三月二十七日黃贊湯奏查明咸豐十一年分豫東黃運兩河各廳辦過另案土埽輒石各工段落銀數一另案輒埽工豫省南岸開歸道屬上南中河下南三廳共十一案除防風埽工照例節省八束銀兩外共用銀三十九萬五千一百九十九兩零（錢分釐略下同）北岸河北道屬黃沁衛糧祥河下北四廳共九案共用銀二十八萬七千五百八十八兩零統計咸豐十一年豫省黃河上游七廳另案輒埽工共用銀六十八萬二千七百八十七兩零一另案增培土工豫省南岸開歸道屬上南一廳共

工二段共用例津二價銀一千九百九十二兩零 一另案拋護碎石各工豫省南岸開歸道屬上南中河下南三廳共用石方銀四萬八百七十六兩零北岸河北道屬黃沁衛糧祥河下北四廳共四案共用石方銀三萬六千八百四十六兩零統計咸豐十一年豫省黃河上游七廳拋護碎石工程共用銀七萬七千七百二十三兩零 一另案運河各工東省運河道屬運漕捕上下五廳共奏辦十一案共用銀八萬二千五百八十一兩零 是日又奏爲確核豫省黃河南北兩岸上游各廳咸豐十一年另案搶辦輓埽工程動撥司庫銀款總數循例具奏事上年南北兩岸各廳另案搶辦輓埽各工經臣逐加覆核切實駁刪減准應銷銀數量另案摺奏送清單計豫省上游七廳共用銀六十八萬二千七百八十七兩零（零數略下同）內除動用道光二十年存工輓值銀五千六百二十三兩零咸豐十年存工楷值銀一萬一千六百二十兩存工磚值銀三百一十二兩零計撥用司庫添辦防楷酌辦磚稽銀三萬八千一百七十八兩歲麻加價銀一萬七千三百六十兩又例撥添撥防險銀除發辦備防碎石銀三萬二千兩另歸石工案內造報外實歸磚埽用銀三十六萬八千兩共撥過司庫銀四十三萬三千五百三十八兩現除南北兩岸上游各廳用存稽料值銀一萬八百五十兩用存磚塊值銀九百十二兩零有料輓存工外應找撥不敷銀二十四萬三千四百五十四兩零以符奏案而清欠款再查另案不敷銀兩向於核奏清單後由司撥還道庫湊辦歲儲及節次搶辦要工之需前數年因司庫未能全數撥還以致道庫空虛無項支墊而河防修守關係至重應請循案於司庫按照三銀七鈔章程趕緊籌款找撥俾可由道湊撥上游各廳趨辦壬戌年歲稽並備伏秋大汛搶辦險工之用以免貽誤而

重修防黃新湯東河奏稿

是月二十九日黃贊湯奏爲恭報黃河桃汛安瀾事竊照黃河以清明後二十日之內爲桃汛之期春水發生來源漸旺巡防修守事宜必須妥爲布置臣現駐豫省先經督飭各道廳詳勘河勢之趨向工程之緩急以定堆儲料物之多寡凡可緩之工概不准辦以歸撙節其應修者亦不敢拘泥貽誤先將上南中河二廳還隄幫隄土工確切勘減估定由司撥到現銀飭廳認真趨築並委員監辦臣與開歸道德蔭不時親往查催現在牽計已辦有六成四月中旬總可完竣臣俟完工後再往驗收儻有草率偷減情弊卽行奏參押令翻築以重要工其祥河廳急應幫隄之工一俟催司撥到銀兩卽飭趕速興辦勒限完報斷不任其遲延至上游有河七廳額辦歲稽麻觔爲修守根本例於年前採購近年因司庫料價未能依時撥發遲至春間收買司撥不敷尙須各廳挪借湊墊本年料價正二月內屢催藩司總未籌撥廳員歷年挪墊工用已多利債蜩集力未能再行設措迨交桃汛復屢次面催始據司庫酌撥由道轉發各廳先後具報設廠臣現在一面嚴飭各該廳分投趕緊購辦實足堆垛以速補運一面再催藩司陸續籌款撥發以資接濟而免遲誤其另摺請添防料甄石亦係每年額辦之數爲工用必不可少之需除防料一項應俟歲料辦竣接廠採辦以杜牽混並甄塊一項各於本工可以收購外惟碎石一項須赴山開採船運需時若俟奉旨後再行撥銀採運恐誤拋護埽壩之用現飭各廳於領款內先行通融派弁赴山採辦迅速裝運庶工次早堆一方碎石多得一方之益再查黃河溜勢趨向靡常除無工之處及淤閉之埽應俟河勢逼注察看情形緩急方准擇要廂修外其向係臨黃各埽形勢

未移者或上年新廂之埽穠稍發扁或舊埽上實下虛必須趁此春夏之間水未大長逐段加廂高整以期大汛內抵禦盛漲得力均俟歲料辦有成數驗收後方准廂辦務令實工實用不任絲毫虛糜計自三月初七日節交清明至二十六日二十日桃汛已過各廳先後報長水一尺餘寸至二尺不等兩岸工程防護平穩

黃贊湯東河奏稿

是日黃贊湯奏爲請添壬戌年（同治元年）上游各廳防料甄石俾裕工需而資防守

黃贊湯東河奏稿

按此卽東河額辦歲稽七千五百槩減去六百三十五槩循例計值按照成數辦稽及改稽辦磚辦石之案

是日黃贊湯奏再黃河修守以土工爲根本隄工鞏固庶廂埽拋石有所憑依是以從前霜後擇要估修隄壩最爲急務近數年來因司庫迫於軍餉籌款不易春間經臣附片奏明不必預先估計察看河勢之趨向何處緊要卽於何處幫築以期撙節其土方價值先由道庫籌墊至白露後驗明做過工段將銀數具奏撥發司庫銀兩還款在案惟每歲情形不同上年伏秋期內兩岸險工屢出上南中河祥河三廳尤爲最險中河廳三堡及十三堡因土性過於沙鬆搶廂拋護已屬非易迨八九兩月疊被賊匪沿河滋擾創翻滴值司庫錢糧支絀應撥之款未發無銀搶辦至霜降後尙在場埽潰隄幸水落溜弱不致有意外之虞旋經臣約同前撫臣嚴樹森親往該工履勘見數百丈長隄有全行場盡者有隄頂僅存數尺者行舟靠崖停泊灘唇僅高水面尺許苟非冬令水消汛漲上灘其患何堪設想撫臣目睹工程十分危險深慮或有他虞所關非細雖錢糧窘迫亦亟應補還大隄購備料物甄石廂埽保護斷不可緩惟辦理土工必須層土層礮堅築時已隆冬凍土難以施工當卽商明除應廂埽拋壩各

該廳本有額辦稽麻輓石飭令分儲各工備用外其辦理土工之資由司籌備現銀另行提存以便一交春融卽行發辦本年正月內臣督飭開歸道將上南中河二廳幫隄還隄土工核實攤節估計節次較減并將可緩之工剔除其實應急辦者估定後一面催司將去冬與前撫臣籌備土工現銀解到由道分次轉發各廳均於二月內興工堅築臣又專委熟諳工程之睢甯通判汪青葵前往監辦臣與開歸道德蔭亦不時親往查催務期一律鞏固以資保衛儻有遲延草率立將承辦之員指名參賠決不姑容以重要工至祥河廳祥符汛十五六堡應行幫隄工段并經河北道周煦徵勘減估定專俟司庫撥發銀兩興辦此外有無急辦之工當於大汛內再行察看斷不任各廳虛估浮報仍照案統俟白露後驗明做過工段丈尺再將銀土細數具奏

黃贊湯東河奏稿

四月二十五日黃贊湯奏再上年秋間中河廳十三堡屢出奇險當搶辦之時適捻匪沿隄滋擾往來焚搶殺戮以致人夫星散苟非水落溜弱其患何堪設想而所塌大隄必須補還以資修守前經籌撥款項於二三月間集夫興築又值皖捻西犯河南府屬有沿隄東竄之報人夫畏懼復有分散之虞幸該處附近東漳地方紳民捐資興築土寨自保身家當經中河通判徐思穆委員睢甯通判汪青葵勸諭各夫設警報緊急有寨可以退避斷不可停工該寨首人等亦知修隄正所以衛民協同照料得將要工刻期趕辦完竣是該寨首人等築寨於禦賊有資且與河工修防有益非他寨僅以自衛者可比業經臣督飭道廳擇其首中實在出力認真辦事者分別酌給功牌以示鼓勵在案理合附片奏聞

黃贊湯東河奏稿

五月二十七日黃贊湯奏爲節交夏至河水已報見長來源漸旺籌備大汛修守事並宜催各廳趕購料物甄石以裕工儲事（前略）所有壬戌歲儲臣節經面催藩司籌撥料價至三四兩月內始據陸續撥給由道轉發各廳設廠嚴催趕緊採買以速補遲不准稍有藉延現據先後呈報將次辦齊間有已報完竣者惟歲稽辦竣後應接廠購辦防料並分辦麻繩纜概均爲廂工必不可少之需此外甄塊雖可於本工收購而碎石須赴山採運俱應於伏前辦足庶大汛期內水長溜急廂拋有資鞏固不敢稍任虛糜而全局攸關有備方能無患但採購正雜料物甄石事事非錢不行臣仍當面催藩司將河工應撥之款趕緊分次籌發接濟俾免遲誤至長隄土工爲修防根本祇因錢糧支絀多年未曾普律估修近歲均擇其必不可緩者隨時幫築上冬勘明上南中河祥河三廳幫隄還隄土工俱難緩辦當與前撫臣嚴樹森商明由司另行籌撥現銀一面切實估計於春間先將上中二廳土工發辦並委員監催先據具報辦竣其祥河廳加幫大隄於四月內始經藩司發項分派營汛興築查已辦有六分工程統俟一律完竣先飭開歸河北二道驗收後臣再按臨覆驗儻有草率偷減立即嚴參着賠押令翻築堅實以重要工決不姑容現已節交夏至先據各廳報長水一二尺餘寸不等來源漸旺其籌備伏秋大汛修守事宜除工料之外如防險錢文堡房器具油燭協防委員僕馬等類缺一不可業經飭道照案辦理惟上年各廳屢出奇險至今思之心悸本年水勢之大小工程之平險尙難預測臣雖竭盡心力督屬修防而深慮司撥不寬當搶險之際設錢糧不能應手致有貽誤關係非輕因思署藩司王榮第曾任開歸河北兩道篆素知廳險要情形且保隄正所以衛民諒不致於膜視定能隨時通融籌撥

力時全局黃贊湯東河奏稿

六月二十四日黃贊湯奏爲伏汛已交修守緊要現在督飭道廳將兩岸各工妥慎防護事本年黃河來源自五月十七日寅申二時武陟沁河兩次長水三尺五寸並六月十三日卯時長水二尺五寸之後迄今未報續漲萬錦灘亦未報長固因天氣久晴未雨通黃各河水小源微而測以盈虛之理誠恐交伏後報長猛驟巡防修守倍應慎重工儲尤須寬備以免用時缺乏惟各廳承辦稽麻甄石歲有定額當此錢糧萬分支絀何敢另再請添而詳審河勢凡有生工處所積料爲先均飭於額辦料物內酌分堆儲以資備防各該廳歲料已報辦竣先令開歸河北兩道驗收俟具報無虧臣再揆應覆驗現飭趕購防料甄石一面催司撥款接濟仍不准其遲延臣本擬卽行赴工周巡因撫臣鄭元善在汝甯府督勦平輿賊匪其陝西折回之捻自欽差親王僧格林沁攻破金樓後直搗蒙亳老巢該逆無巢可歸仍在河洛汝裕一帶盤踞滋擾西南喫重省城緊要河水旣未見長權其輕重自應暫住省垣與司道籌辦省防事宜且汴城距下南黑堽工僅二十餘里距上南中河有工之處亦不過數十里仍可就近督飭修守俟軍務稍鬆黃水報長臣再出省周歷上游兩岸巡防庶兼顧並籌以期兩無貽誤現飭開歸道德蔭河北道周煦徵先赴各廳驗料查工并委任現工學習之戶部主事蕭彥申周歷兩岸會同各廳營及分段駐守之候補人員協防以昭慎密至黃河水勢自交夏至以後溜力日勁各廳先後稟報舊埽匯場補廂之工均飭該管各道查驗俟稟覆到日再行核實具奏斷不任稍有虛糜黃贊湯東河奏稿

七月十六日黃贊湯奏爲恭報黃河伏汛安瀾現仍督飭慎防秋漲事伏查黃河水勢固以來源之旺弱定下注之大小而每遇瀕河一帶大雨時行通黃各河之水匯注亦莫不添波助流本年交伏前後萬錦灘雖未報長而陣雨傾盆勢甚廣遠上游各河水發匯入黃河各廳已先後報長水二三尺餘寸迨據陝州呈報萬錦灘黃河於七月初二日巳時陡長水二尺八寸黃沁呈報武陟沁河於七月初三日酉時並初四日丑刻初六日卯時至未時三次共長水四尺二寸所長雖不爲旺惟係沁黃同時並漲接續下注奔騰浩瀚勢益湍激各廳臨黃埽壩紛紛墊塌其新廂埽段及新拋輓石壩梁亦多刷墊幸各該廳歲料均於汛前堆齊添料輓石亦已次第辦竣署藩司王榮第深知河防關係至重陸續籌款撥發各工得以應手廂拋臣仍隨時嚴飭核實揔節不准藉工絲毫虛糜其工程緊要之處并調乾河廳員前往幫同搶辦長隄無工處所一經長水上灘漲至隄根或走漏簪潮或汕刷隄坡暗險堪虞并飭各委員分段住防督令弁委兵夫晝夜巡防以昭慎密所有各廳報廂之工據開歸河北二道將驗明業經辦竣段落先行具稟前來謹彙繕另片恭呈御覽餘俟驗稟到日再行續奏現在長水已漸見消兩岸工程搶護平穩節交立秋伏汛安瀾惟秋汛爲日甚長防秋向重於防伏且近年以來伏汛已過險工屢出本年交伏後又復長水無多秋漲必形勤旺備防修守尤宜加慎已飭開歸道德蔭河北道周煦徵將各廳料物輓石逐一查點凡有用多存少之處酌量添辦仍札催藩司續籌撥款接濟以免用時缺乏臣前因黃水未長髮□皖捻盤踞河洛汝裕一帶滋擾省防緊要須與司道商辦奏明暫緩赴工現在撫臣鄭元善不日晉省黃水已長臣亟應前赴上游兩岸周歷督防并覆驗中河上南

祥河三廳幫隄還隄土工其已廂現廂新埽亦須按廳勘驗拜摺後卽日起身出省另容將勘工情形分晰具奏

黃贊湯東河奏稿

是日黃贊湯奏爲循照酌減數目請添黃河秋汛防險銀十萬兩以濟工用而資修守 奉旨該部議

奏黃贊湯東河奏稿

是月乙巳（二十四日）以河東河道總督黃贊湯爲廣東巡撫以山東巡撫譚廷襄暫署河東河道總

督清穆宗實錄

八月辛亥（初一日）諭黃贊湯雖已簡放廣東巡撫惟秋汛爲日正長中河上南現在險工疊出譚廷襄遠在兗州恐一時尙難兼顧仍著黃贊湯駐工認真辦理俟險工平穩以後再行來京訓將此由五百里各諭令知之清穆宗實錄

是月初二日黃贊湯奏爲節逾處暑黃水盛漲已消兩岸各廳險工搶廂拋護平穩現仍加謹督防事竊照黃河伏汛安瀾督飭慎防秋漲情形臣於七月十六日具奏卽出省上隄溯查西上歷下南中河上南由滎澤北渡西至黃沁武陟縣復拆回西行順查衛糧祥河下北計兩岸上游七廳已閱一週途次據甘肅甯夏府呈報黃河水勢於七月初六日泛漲起至初七日陸續共漲水七尺四寸已入破口誌椿七字四刻跡河南陝州呈報萬錦灘黃河於七月二十日午時並二十四日寅時兩次共長水七尺八寸黃沁廳呈報武陟沁河於七月十一日卯未兩時並十四日卯巳兩時及二十四日午未申三時七次共長水一丈五尺當二十四日沁黃並漲之時下注猛驟各廳積長水四五六尺不等大溜湍

激勢若排山浩瀚奔騰聲如雷鳴且溜勢提坐不定凡淤閉舊埽着河摧枯拉朽立時匯場險工疊出臣督飭各道廳往來廂補或拋護甌石幾致搶辦不遑而中河廳尤爲奇險其中牟下汛三堡臨黃處所先後原拋甌石壩埽二十一一道當長水驟落全河側注溜力較勁一夜之間墾場壩埽十五道匯場隄唇寬數尺及丈餘該處內靠深塘岌岌可危適臣在工目擊心悸飭令將所塌壩埽尙有根底者加拋出水用資挑禦其迎溜喫重段落趕廂護埽捍衛一面催司籌撥錢糧購辦物料備用布置妥協後責成開歸道駐工督辦竭六晝夜之力始克搶廂拋護平定現在長水已報遞消各廳廂作雖未停手而大局可以放心所有先後補廂之工除尙須盤壓者另容核奏外其勘明已竣之工謹彙繕另片恭呈御覽惟秋汛尙長來源旺弱難測且秋濤迅利淘底搜根修守仍應慎重各廳物料經此次盛漲搶工後動用一空不得不酌量添辦以免用時缺乏致有貽誤當隨時飭令可省卽省斷不任稍有虛糜以重帑項再上南中河祥河三廳本年辦過土工於報完後經該管各道驗收具稟臣按廳覆驗丈尺數足錐試飽滿尙無草率偷減之處

黃贊湯東河奏稿

是月十五日黃贊湯奏爲節屆白露謹陳黃河水勢工程情形事（前略）旬餘以來雖僅據黃沁廳呈

報武陟沁河於八月初四日申時長水一尺五尺而天時陰晴不定上游雨水匯注存積不消溜勢仍形湍激自秋濤迅利搜淘根底舊埽匯出固應搶補新埽刷墊亦應加廂並有必須拋護甌石之處其上南中河二廳臨黃埽壩片段較長連年屢出奇險該二廳爲南岸保障設有疎虞關係非細是以臣雖交卸有期不敢稍遺餘力仍督飭道廳營汛員弁分投搶護一面嚴催藩司籌款撥發接濟務保安

瀾并於慎重之中力求撙節不得稍有虛糜以期用省工堅現在長水雖已見消而山東撫臣譚廷襄遠在兗州一時不能兼顧臣仍當欽遵諭旨督飭道廳將各工搶辦平穩再行定期交卸以重河防黃

督湯東河奏稿

閏八月初三日黃贊湯奏爲節逾秋分黃水續漲已消兩岸工程搶廂拋護平穩現仍嚴飭慎防務保安恬事竊照節屆白露黃河水勢工程情形臣於八月十五日具奏後卽連日大雨時行甚至自朝至暮不止勢極廣遠上游雨水匯注先據各廳間日報長水一尺餘寸不等存積不消旋據黃沁廳早報武陟沁河於八月十九日未酉二時並二十二日卯時三次共長水八尺三寸接續下注益形浩瀚且秋濤迅利淘底搜根不但朽腐舊埽匯塌急應搶補以護隄壩而免他虞卽新埽刷墊亦須加廂中河廳三堡最險之處并已擇要搶護埽段幸料物先經酌量添辦尙能應手臣督飭各道廳竭力搶辦其埽段隄廂屢墊並舊有輒石壩被溜刷墊者察看形勢分別動用存工碎石輒塊拋護以及河勢初抵隄壩恐廂埽滋費先用輒石拋禦仍飭力求撙節不准稍有虛糜至各廳臨黃埽段苟可從緩者均令停辦實在亟應搶補者亦不敢拘泥貽誤自伏徂秋各廳先後報用輒石臣交卸伊邇現在督飭各道認真查驗大量核實勾稽以杜浮冒日來長水雖已報落臣仍當嚴飭道廳營委汛弁照常勤慎巡防務保安恬不任稍有疎忽黃贊湯東河奏稿

是月十三日黃贊湯奏爲節屆寒露黃河兩岸工程修防平穩預頌安瀾事竊照節逾秋分黃水續漲已消各工搶廂拋護情形臣於閏八月初三日具奏後瀕河一帶仍大雨時行自朝至暮連宵達旦勢

極廣遠卽據黃沁廳呈報武陟沁河於閏八月初二日子卯二時兩次共長水六尺三寸加以上游通黃各河雨水莫不匯流下注以致各廳水誌日見增長幸旋長旋消其溜到之處刷墊埽壩臣督飭道廳均動用存工料物輒石廂拋不准另行請添并不許再報埽案以歸撙節現已次第修守防護平穩其伏秋汛內兩岸拋辦輒石工段或無工處所大溜趨注潰場隄身拋築輒壩磚梁蓋以碎石用資挑禦或舊有輒石壩埽刷墊加拋或埽段屢廂不已用石拋護埽根以期穩定或埽前舊有碎石墊卸加拋或土壩着河蓋護磚石以免塌壩近隄生險滋費辦理俱屬合宜隨時勘驗屬實於停拋後卽飭開歸河北二道按段量明丈尺核計動用輒石方數具稟前來臣逐加覆核無浮謹彙繕另片恭呈御覽至本年統用銀數因兼署河臣譚廷襄遠在兗州未能查核臣先飭開歸河北二道截止督令切實勾稽復經臣節次駁減核計減准總數比較上年又有節省除飭各該道照案將工段丈尺銀數詳細造具印冊呈由新任河臣彙繕清單具奏外查現距霜清僅有半月黃河兩岸工程修防平穩悉頌安瀾其霜降後應辦各事及防護凌汛亦關緊要應由譚廷襄隨時札飭道廳妥慎經理再本年大汛搶工出力人員未敢歲歲請保而又未便沒其微勞現飭開歸河北二道存記俟來年秋汛內由新任河臣察看如有始終奮勉者再行擇尤奏請恩施獎勵

黃贊湯東河奏稿

是日黃贊湯奏豫省上游兩岸七廳應辦來歲料稽麻循照歷屆酌減數目開歸道請撥銀四萬兩河北道請撥銀二萬五千兩臣雖卽日交卸未敢拘泥是以循案奏請 奉旨該部議奏

黃贊湯東河奏稿

按工部奏歲料應大加撙節料束料埽均未分晰聲敘臣部礙難核准

十月庚子(三十一日)賞丁憂湖北按察使閔敬銘二品頂帶署山東巡撫清穆宗實錄

是日諭譚廷襄本以山東巡撫兼署河東河道總督閔敬銘未到任以前譚廷襄責無旁貸現在山東教幅各匪勢甚蔓延雲谷山官軍近復失利辛冠等處降衆豎旗報復沂州府匪圩林立各處伏莽甚多軍務急關緊要譚廷襄於各路防剿及地方事宜仍當妥爲籌畫實心經理不得存五日京兆之心稍涉鬆勁儻因交卸在即意存敷衍因循廢弛貽誤事機致該省益形糜爛必將譚廷襄從重治罪至各營將士及各該地方官如或不遵調度未能用命仍准譚廷襄據實參奏從嚴懲辦斷不患呼應不靈也清穆宗實錄

是月二十三日工部奏爲遵旨速議具奏事同治元年十月十七日內閣抄出山東巡撫兼署河東河道總督譚廷襄奏上南中河二廳工程攸關全局亟應預籌修守並各廳歲料乘時趕辦以重河防一摺同治元年十月十六日議政王軍機大臣奉旨該部速議具奏欽此據原奏內稱黃河兩岸各廳處處皆有險工惟上南中河二廳最爲緊要現查上南廳鄭州汛八九十堡河勢側注不移霜後尙在匯場隄壩中河廳三堡伏秋汛內曾經潰隄其新淤嫩灘不足深恃且後靠水塘設若大溜旁趨恐難捍禦必須預籌修守之資方可趕辦所有上中兩廳亟應修辦之工及各廳應購癸亥年歲料趁此時價尙廉設廠購收以免春間料戶居奇惟有仰懇天恩飭下河南撫臣行令藩司將河工料價及欠撥各項迅速分次飭交道庫轉發以維全局等語臣部查原奏內稱上南中河二廳當伏秋之際險工迭出亟宜廂埽幫隄以資修守自係實在情形應如所奏辦理該河督自應督飭道廳核實履勘於無關緊

工部奏開闢河道屬四萬兩河北道屬二萬五千兩臣部因摺內僅將請撥銀數聲明而於各廳應堆料塼並未分晰聲敘請旨飭令據實查明覆奏再行核辦在案今據奏稱預購歲料應趁冬令設廠購齊以節經費應照舊章辦理應請飭下河南撫臣將從前欠撥各款即行籌撥俾得及時購買以資修守至應購來歲料仍遵臣部前奏行令該河督分晰查明俟覆奏到日再由臣部酌核辦理庶於無誤要工之中仍舊力求撙節之意 本日奉旨依議工部殘抄冊

十一月壬子（初四日）諭河南巡撫鄭元善不勝巡撫之任著以道員降補交吏部帶領引見以示薄懲清穆宗實錄

是日以吏部左侍郎張之萬署河南巡撫清穆宗實錄

是月戊午（初十日）諭議政王軍機大臣等御史劉其年奏河工經費宜裁減以杜弊混一摺另片奏請將東河河道總督一缺裁去等語據稱東河修防之費歲額百五十萬近因庫儲告竭欠發甚多其支發各款由河道藩司視廳屬之交誼爲等差各州縣以賤值購買河工印領交庫彌補虧空州縣河員各圖便利防飭該督撫體察各廳工程酌留經費一二十萬兩責成該員認真經理督撫司道毋許需索規費其從前舊欠一概銷除俾免轉嚙弊混所籌不爲無見著張之萬酌度現在情形裁減浮費歸於實用酌量之項不必拘定一二十萬之數但能節省一分即獲一分之益俾朝廷有節省之實效而無欠發之虛名爲方妥善其河道總督一缺是否可以裁撤並著該署撫一併詳細妥議具奏原摺

二件片一件由著鈔給閱看將此諭令知之清穆宗實錄

十二月甲辰(二十七日)諭內閣直隸總督文煜於地方軍務漫不經心遷延貽誤關茸不職著革職發往軍臺效力贖罪 是日調兩廣總督劉長佑爲直隸總督未到任前以兵部左侍郎崇厚署理 清穆宗實錄

是年利津縣修城壩初津縣志

同治二年正月戊申朔(初一日)實授張之萬河南巡撫東華續錄

是月己未(十二日)諭內閣前內御史劉其年奏裁減河工經費並請將河東河道總督一缺裁去降旨交張之萬詳細妥議具奏茲據奏稱河東河道總督一缺兼轄兩省黃運河工關繫非輕未敢率議裁撤俟詳加體察再行奏請惟南岸所屬四廳北岸所屬三廳河道均已乾涸各廳員一無所事均可裁撤有山東所屬之曹河曹單二廳著山東巡撫酌量辦理其河南所屬之蘭儀儀睢寧商虞曹考五廳著照該撫所請卽行裁撤並著該部援照南河裁缺成案查議具奏清穆宗實錄

是月庚午(二十三日)諭議政王軍機大臣等譚廷襄奏黃河修防緊要請飭河南巡撫採辦歲料一摺近來庫款絀絀河工浮費原當力求撙節而稽料一款實爲必不可緩之需本年節氣較早現已解凍各廳尚未設廠購辦轉瞬桃汛漲發必致倉卒不能應手現在張之萬已赴汝甯一帶若俟回省後勘明險工再行飭司撥銀購辦誠恐趕辦不及致誤要需著張之萬迅飭藩司酌籌料價或較向例先撥數成發交廳員趕緊購備稽料以重工儲而修守將此諭令知之清穆宗實錄

二月丙午（三十日）河南巡撫張之萬奏蘭儀儀睢甯商虞曹考五河廳業經裁撤應將屬十一汛州判縣丞主簿巡檢等員缺一併裁撤以昭畫一 如所請行清穆宗實錄

五月河東河道總督譚廷襄奏爲籌議黃河減工節費端程請變通舊案改用現銀以昭核實事竊照豫東黃河自咸豐五年由蘭陽北岸旁趨後下游乾河工程停辦而上游有河七廳隄段延長埽壩林立均屬最爲險要藉天塹以衛民生修守所關至爲重大嗣緣司庫支絀未能照舊撥發經費始則搭用官票繼則搭用寶鈔迨因鈔價過賤不敷購料幾至貽誤工程遂酌定爲三成現銀三成半局鈔三成半生鈔除生鈔所值無幾外其局鈔係由錢糧搭收撥給河工按局鈔一千五百文抵銀一兩每局鈔一千取銀五錢核計每兩可得現銀七錢五分廳員辦工每百兩以三成現銀三成半局鈔計算僅止實銀五十六兩二錢五分報銷則連生鈔統計在內徒有虛數並非全濟實用臣於上秋在山東巡撫任內兼署河篆查明文卷卽擬變通舊案改發實銀祇因尙未勘工不敢輕率定議四月內臣交卸撫篆後奉命將河東河道署任事宜專心辦理當卽欽遵馳抵開封工次適撫臣張之萬帶兵出省不及晤面當向函商覆以未曾親歷河干無從確指利弊囑與藩司王憲妥爲斟酌臣知王憲曾任河廳河道情形熟悉公事極肯認真因將通歲工需與之約略籌計茲臣勘明上游兩岸水勢及工程情形並博訪詳諮始知河工有必不可少必不可緩之需而辦理之是否不致虛糜仍視其人爲斷卽如搶險夫工料物等項當安危繫於呼吸一刻不可暫停而夫工增值料戶居奇例價不敷隨時增長從前悉皆通融開報以致用數較鉅茲與該司道等熟商擬將搶險夫工料物預飭廳員早爲籌備不得臨